

AD
R. P.

75

DOMINUM
BOHUSLAUM BALBINUM,
S. J.

MISCELLANEORUM HISTORICORUM REGNI BOHEMIÆ
AUCTOREM CELEBERRIMUM,

OB BENIGNE TRANSMISSUM PRIMI LIBRI EXEMPLAR
GRATA ET GRATVLAVNDA ACCLAMATIO.

CHRISTIANI WEISII,
IN GYMNASIO ZITTAVIENSI RECTORIS.

Ur Tibi mox pingit Terram ROSA plena Bohemam;
Mox per sanguineas FASCIA ducta ROSAS?
An quia scribendo roseum dispergis odorem;
Pagina fragrantis gestit habere notas?
Aut quia centuplici tellus viret undiq; fructu;
(Quo numero signat gratia verna ROSAS)
Tu quoq; tot foliis doctum prorumpis in Orbem,
Veris & ingenium ruga senilis habet?
Annuit AUGUSTUS, cui nunc pia Mulda salutem,
Atq; velut medicas candida fundit aqvas.
Scilicet excultam visus remeare VIENNAM,
FASCIA dum Vestram SPLENDIDA scindit Humum.
Sic liceat PRAGÆ geminatum cernere SCUTUM!
AUSTRIA sic sedes iudicet esse suas!
Ipsaq; MULDA sibi foecundum dicitur omen,
Prima quod ad PRAGAM nuncia PACIS eunt.
O rubeat tantus, simul & magis albicet HEROS!
Alba sit Integritas, sit rubicundus Amor.

Pallida nec minuant vitalem fata ruborem,
Nec ruitet belli Pace nitente calor!
At Tu, CÆSAREA senium qui ducis in umbra,
BALBINE, ò animi sedula cura mei,
Vix CLYPEUM docto poteris præfigere libro,
Te Clypeo similem docta ubi fama refert.
Bis RUBER es, Mentem Studii seu flamma colorat,
Seu vaga corporeum febris adurit onus.
Una tamen geminis candent solatia flammis,
Dum Cælo labor hic, dum dolor ipse placet.
Fallor? an ad corpus fervens se porrigit error,
Ad calamum qui bis debuit ire Tuum?
Sed redeat geminus studiis flagrantibus ardor,
Utilitasq; libros sæpe iterata probet.
Sic Tibi candidulos TUA PATRIA destinet annos,
Historiæ & varias spectet amicus opes;
Quem sive ex patrio commendat nomine CANDOR,
Copia sive RUBRUM fecit Amoris, ames.

MDC LXX
TYPIS MICHAELIS HARTMANNI.